

厚朴 五兩

麻黃 四兩

石膏 如雞子大

杏仁 半升

半夏 半升

乾薑 二兩

細辛 二兩

小麥 一升

五味子 半升

右九味以水一斗二升先煮小麥熟去滓內諸藥煮取三升溫服一升日三服

厚朴麻黃湯大小青龍之變方也咳而上氣作聲脉浮者是屬外邪鼓動下焦之水氣上逆與桂枝芍藥甘草和營衛無涉故加厚朴以降胃氣上逆小麥以降心氣來乘麻杏石膏仍從肺經泄熱存陰細辛半夏深入陰分祛散水寒乾薑五味攝太陽而監制其逆一舉而泄熱下氣散邪

固本之功皆備則肺經清肅之令自行何患欬逆上氣作聲有不寧謐者耶

麥門冬湯

麥門冬 七升

半夏 一升

人參 三兩

甘草 二兩

粳米 三合

大棗 十二枚

右六味以水一斗二升煮取六升溫服一升日三夜

一服

麥門冬湯從胃生津救燥治虛火上氣之方金匱云火逆上氣咽喉不利止逆下氣按內經脉解篇云嘔咳上氣喘者陰氣在下陽氣在上諸陽氣浮無所依從故嘔咳上氣

喘也五藏生成篇云欬逆上氣厥在胸中過在手陽明太
陰是則上氣病在肺下氣病在大腸也明矣蓋金位之下
火氣承之非獨肺也大腸亦然若徒以寒涼冷燥止肺經
火逆上氣而手陽明之下氣未平仍然胸中膈鬱閉塞呻
吟豈非大腸之燥傳入於肺而爲息賁有音上奔而不下
也乎仲景另闢門戶用人參麥門冬甘草粳米大棗大生
胃津救金之母氣以化兩經之燥獨復一味半夏之辛溫
利咽止逆通達三焦則上氣下氣皆得寧謐徹土綢繆誠
爲扼要之法 止逆下氣或註曰止其逆則氣下是申明
火逆上氣於理亦通

葶藶大棗瀉肺湯

葶藶

熬令黃色搗丸如彈子大

大棗

十二枚

右先以水三升煮棗取二升去棗內葶藶煮取一升頓服

葶藶泄水下行與甘相反妙在大棗甘而泄中氣故用其甘以載引葶藶上行瀉肺用其泄仍可任葶藶之性下行利水不過藉棗之甘逗留於上而成泄肺之功猶桔梗藉甘草為舟楫也

千金葶藶湯

葶藶

二觔

薏苡仁

半觔

桃仁

五十枚

瓜瓣牛勛

右四味以水一斗先煮葦莖得五升去滓內諸藥煮取二升服一升再服當吐如膿

葦蘆之大者莖榦也是方也推作者之意病在鬲上越之使吐也蓋肺癰由於氣血混一營衛不分以二味涼其氣二味行其血分清營衛之氣因勢涌越誠爲先着其瓜瓣當用絲瓜者良時珍曰絲瓜經絡貫串房隔聯屬能通入脉絡臟腑消腫化痰治諸血病與桃仁有相須之理薏仁下氣葦莖上升一升一降激而行其氣血則肉之未敗者不致成膿癰之已潰者能令吐出矣今時用嫩葦根性寒

滌熱冬瓜瓣性急趨下合之二仁變成潤下之方借以治肺痺其義頗善

賁豚湯

甘草

二兩

芍藥

二兩

當歸

二兩

半夏

四兩

黃芩

二兩

生葛

五兩

芍藥

二兩

生薑

四兩

甘李根白皮

一升

右九味以水二斗煮取五升溫服一升日三夜一服

賁與憤同俗讀奔豚尾後竅又小豕也病從腹中氣攻於上一如江豕以驚憤起而攻也是方治驚恐而得賁豚者緣心動氣馳氣結熱聚故其聚散靡常發則為熱退則為

寒陰陽相搏則腹痛君以芍藥甘草奠安中氣臣以生薑
半夏開其結氣當歸芎藭入血以和心氣黃芩生葛甘李
根白皮性大寒以折其衝逆之氣雜以生葛者寓將欲降
之必先升之之理再按賁豚氣有三犯肺之賁豚屬心火
犯心之賁豚屬腎寒臍下悸欲作賁豚屬水邪證自分途
治亦各異學者當加意諦視

栝蒌薤白白酒湯

栝蒌實

一枚

薤白

半觔

白酒

七升

右三味同煮取二升分溫再服

栝蒌薤白半夏湯

括萋實一枚

薤白三兩

半夏半觔

白酒一斗

右四味同煮取四升溫服一升日三服

枳實薤白桂枝湯

枳實四枚

厚朴四兩

薤白半觔

桂枝一兩

括萋實一枚

右五味以水五升先煮枳實厚朴取二升去滓內諸

藥煮數沸分溫三服

胸痺三方皆用括萋實薤白按其治法却微分三焦內經
言淫氣喘息痺聚在肺蓋謂妄行之氣隨各臟之內因所

主而入爲痺然而病變有不同治法亦稍異止就肺痺喘息咳唾胸背痛短氣者君以薤白滑利通陽臣以栝蒌實潤下通陰佐以白酒熟穀之氣上行藥性助其通經活絡而痺自開若轉結中焦而爲心痛徹背者但當加半夏一味和胃而通陰陽若結於胸脇更加逆氣上搶於心非但氣結陽微而陰氣并上逆矣薤白湯無足稱也須以枳實厚朴先破其陰氣去白酒之醇加桂枝之辛助薤白栝蒌行陽開痺較前法之從急治標又兼治本之意焉

附子粳米湯

附子

一枚

半夏

半觔

甘草

一兩

大棗 十枚

粳米 半升

右五味以水八升煮米熟湯成去滓溫服一升日三服

附子粳米湯溫胃通陽於腎之劑本論云腹中寒氣雷鳴切痛胸脇逆滿嘔吐是邪高痛下矣豈非腎虛寒動於下胃陽爲寒凝窒乎即首節所云跌陽脉微弦虛寒從下上也治以附子之溫半夏之辛佐以粳米之甘使以甘草大棗緩而行之上可去寒止嘔下可溫經定痛細讀胸滿寒疝宿食全篇始論正虛邪實繼論邪正俱衰此論上實下虛之治法也

當歸生薑羊肉湯

當歸 三兩

生薑 五兩

羊肉 一觔

右三味以水八升煮取三升溫服七合日三服若寒多者加生薑或一觔痛多而嘔者加橘皮二兩白朮一兩加生薑者亦加水五升煮取三升二合服之

寒疝爲沉寒在下由陰虛得之陰虛則不得用辛熱燥烈之藥重劫其陰故仲景另立一法以當歸羊肉辛甘重濁溫煖下元而不傷陰佐以生薑五兩加至一觔隨血肉有情之品引入下焦溫散沍寒若痛多而嘔加陳皮白朮奠安中氣以禦寒逆本方三味非但治疝氣逆衝移治產後

下焦虛寒亦稱神劑

甘遂半夏湯

甘遂

大者三枚

半夏

十二枚以水一升煮取半升去滓

芍藥

五枚

甘草

如指大一枚一本作无

右四味以水二升煮取半升去滓以蜜半升和藥汁煎取八合頓服之

甘遂反甘草反者此欲下而彼欲上也乃以白芍約之白蜜潤之則雖反而甘遂仍得下滲靈樞有言約方約囊是也甘遂半夏逐留飲瀰漫於腸胃之間雖利而續堅滿苟非以甘草白蜜與甘遂大相反者激而行之焉能去其留

着之根相反爲方全賴芍藥酸可勝甘約以監反庶不溷
亂中焦而爲害存之以廣方義學識未優者不可輕試

小半夏湯

半夏 一升

生薑 半觔

右二味以水七升煮取一升半分溫再服

小半夏加茯苓湯

半夏 一升

生薑 半觔

茯苓 三兩一法四兩

右三味以水七升煮取一升五合分溫再服

外臺茯苓飲

茯苓

人參

白朮 各三兩

枳實 二兩

橘皮 二兩
半

生薑 四兩

右六味水六升煮取一升八合分溫三服如人行八九里進之

三者皆小制之方從脾胃二經分痰飲立治法蓋胃之支脉有飲則胃逆爲嘔而不渴主之以半夏辛溫泄飲生薑辛散行陽獨治陽明微分表裏若卒嘔吐鬲間水悸則飲邪瀰漫於胃矣仍用前方加茯苓一味滲泄水氣并可使腎邪不干前二方是飲邪深淺之治法也若胸中有停痰自吐宿水不能食此不獨胃中有飲而脾經亦有痰矣小半夏湯不能治也仲景引伸外臺茯苓飲取四君子有調

元贊化之功加枳實陳皮下氣消痰專治脾經功兼及胃
後一方是痰飲兼治之法也舉此三者治痰飲可以類推
大半夏湯

半夏

二升洗
完用

人參

三兩

白蜜

一升

右三味以水一斗二升和蜜揚之二百四十遍煮藥
取二升半溫服一升餘分再服

大半夏湯通補胃腑之藥以人參白蜜之甘厚於半夏之
辛則能兼補脾臟故名其方曰大以之治胃反者胃中虛
冷脾因濕動而不磨穀胃乃反其常道而為朝暮吐朝暮
者厥陰肝氣盡於戌王於丑也宿穀藉肝氣上升而乃吐

出主之以半夏辛溫利竅除寒人參扶胃正氣佐以白蜜
揚之二百四十遍升之緩之俾半夏人參之性下行不速
自可斡旋胃氣何患其宿穀不消肝氣僭升也乎

橘皮湯

橘皮 四兩

生薑 半兩

右二味以水七升煮取三升溫服一升下咽即愈

橘皮竹茹湯

橘皮 二兩

竹茹 二升

大棗 三十枚

生薑 半兩

甘草 五兩

人參 一兩

右六味以水一斗煮取三升溫服一升日三服

橘皮湯治嘔噦橘皮竹茹湯治噦逆嘔者張口有物有聲
噦者撮口有聲無物若嘔噦四肢厥冷乃胃中虛冷陰凝
陽滯主之以陳皮生薑辛香溫散開發胃陽而嘔噦自止
若噦逆無寒證明是胃虛虛陽上逆病深聲噦當重用橘
皮通陽下氣臣以竹茹清胃中虛火又不涉寒涼佐以參
甘薑棗奠安胃氣禦逆止噦病有虛實治有淺深勿謂病
深聲噦爲難治之候也

黃土湯

甘草

白朮

附子

炮

乾地黃

阿膠

黃芩

各三兩